

Der Reich Text / so darinnen geführet wird /
ist zweyerley: Bey etlichen heisset es / Er that
was dem H Erren wol gefiel: Bey
den anderen: Er that was dem H Er=
ren übel gefiel. Die ganze übrige Historie
ist nichts anders als eine Erklärung dieser beyder=
ley Texte.

Aber auch vnter denen / die da gethan was
dem H Erren wol gefiel / ist kein einiger zu finden /
deme nicht ein Nisi, ohne das / angehenget sey.

Syr. 49: 5. Syrach im 49. Cap. spricht: Alle Könige / außge=
nommen David / Ezechias vnd Josias haben sich ver=
schuldet. Aber auch bey diesen dreyen findet sich
immer ein NISI, einer oder ander Mangel vnd
Schler / dadurch Sie sich auch in etwas verschul=
det haben.

1. Reg. 15:
5.

Von dem David wird eben in diesem Capitel
gesagt / daß Er gethan was dem H Erren wol
gefiel / ohne in dem Handel mit Uriá

2. Chron.
32: 25.

dem Hethiter. Von dem Hiskiá wird ge=
sagt / daß er zwar gethan was dem H Erren wol
gefiel / aber doch nicht vergolten / wie
ihm